



14. oktober 2008

Inatsisartut ingerlatsinermut inatsisaanni § 36, stk. 1 malillugu imaattumik Naalakkersuisunut apeqquteqaateqassuunga:

**Naalakkersuisunut Nammineerta pillugu apeqquteqaat!**  
(Inatsisartunut ilaasortaq Palle Christiansen, Demokraatit)

**Tunngavigineqartoq:**

Inuit kateriffiattut taasaq Nammineerta! maannakkut piviusunngorpoq. Kateriffimmut ilaatigut ilaapput politikkikkut partiit Siumut aamma Katusseqatigiit Partiiat. Taakku saniatigut kateriffiup ataqatigiissaarisuata soqutiginnittut allat ilannguteqqusarpai.

Demokraatit namminersulernissamut paasisitsiniaaneq uummarsarneqarmat nuannaarutigaat, kisiannili tamanna pissuserissumik naligiissumillu ingerlanneqartariaqarpoq.

Tamanna tunulequtaralugu imaattumik Naalakkersuisunut apeqqutissaqarpunga:

Nammineerta! pisortaniit tapiiffigineqarnissamut pisinnaatitaava? Taamaassimassappat akissuteqarfigeqqussavara taakkununga qinnuteqarsimanersut.

Naalakkersuisut inissaminiissorinerpaat, kattuffiit pisortatigut tapiissuteqarfigineqartartut (uani politikkikkut partiit eqqarsaatigineqanngillat), Nammineerta!-mut ilaassasut Nammineerta!-lu aningaasatigut ikiorlugu?

Inussiarnersumik qinnutigaara apeqqut ullut suliffiusut qulit tikitsinnagit akineqaqqullugu.